

方志叢書・華中地方・第九〇六號

據

清・王維新等修，涂家杰等纂
清同治十二年刊本

影印

江 西 省

義寧州志

(八)

成文出版社有限公司印行

中華民國七十八年三月臺一版

義寧州志

共八冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

義甯州志卷第三十五

藝文志

詩

國朝

論山谷詩

尙書 王士正

阮亭新城

一代高名孰主賓中天坡谷雨嶙峋
瓣香只下涪翁拜詩派
西江第幾人

晚眺

知州 徐永齡

遼陽人

乍瞻高縱目天地半浮空絕壁苔痕綠
遙岑日影紅洞庭湖
不遠數舍木猶通百里西安境雄居吳楚中

過抱子石

抱子何年石嵯峨向水湓雨流千古淚烟鎖一時眉有婦知
兒苦無人憶母慈如余浮宦海過此更生悲

重九前二日至梅市樓居偶題

徙倚層樓日未西邨烟面面白雲齊河陽漫數花千樹彭澤
明看柳一堤勞我簿書偏不輟到天峯嶺亦難躋籬邊菊趁
重陽近香促蠶牋強自題

修江舟子

修江舟子最爲難山是奇高水是灘青纜時須牽絕壁赤身
冬亦浸狂瀾朝炊脫粟臨風晝夜枕輕簑帶露乾似此生涯

寒到骨也知義命自相安

南崖藏龍洞歌

州判 鄒宏志 烏程

南崖隱隱雷聲宿洞口石裂龍尾掉空巖零落噴珍珠化作
蓮花色何皎抱琴偶過釣溪邊流水高山落眼前清寒彷彿
瀉石髓幽曠真如坐玉泉火著雲鬣從空下盤旋難免葉公
詫虬松鱗甲更蒼然也似蜿蜒神物化山僧歸來杖履輕飄
笠蕭蕭尙有聲忽然供鉢湧雲氣雲雨還從鉢內生

立秋後過南山厓留題

閒身殊悔又之官只有看山興未闌放眼喜當秋氣爽攜筇
來踏葉聲乾雲生石壁千巖暝風送松濤一寺寒僧榻盤桓

機事少臨流高枕羨魚竿

分甯竹枝詞

南山峭壁似衙排北牖青山又跳來雲霧曉看多變幻碧陰
常待午餘開

才近清明斷雪天那知寒燠竟相懸有時乍熱穿荃葛三日
連陰又着棉

土瘠山寒草木佳清芬那得到水牙碧桃味淡楊梅小可口
除非是枇杷

山田曲曲有高低雨後潯潯路不齊阡陌層層皆作堰碧波
深處浴鳬鷺

遊版峯

邑人 熊廷用

山人師意筆橫卓潑翠堆青圖五嶽雲度分剪薜蘿衣烟消
半淬芙蓉鏐滴漚洞嵐帶雨俱嶙峋石磴階天若葯熟杵間
鉢飲虹丹成羽化瓶飛雀破笠枯簾常住禪老猿瘦鶴聆經
鐸尋幽籟擁竹當風選勝濤隨松在壑濛濛絕巘復霏霏浩
浩中懷還落落攜來長劍倚殘霞摘取星辰懸肘握只今橫
弄苦攬搶小草方切澄清畧何年銀漢洗金戈洞府安眠無
局鑰

洞山寺

一寺藏山洞洞中復有山砌巒清欲滴鑿澗碧何潺梵古僧

來韻林幽鶴住閒
天空無一物
惟見白雲還

壘金山寺

邑人
余應荃
蝶菲

深深多寶寺
蒼鬱氣無極
居山愛前峯
雨餘勤登陟
遠岫列青螺
麥隴比如織
松下人一豆
遐矚窮目力
偕我益者友
收視反靜默
活活聽流泉
幽與鸛聲值
俯瞰樓戶通
畫舫堪偃息
上山屋在腰
下山屋在肋
足勢未敢放
悚然履男崱

遊黃龍和山谷韻

桐帽棕屨謁祖衣
秋幢帳晚立斜暉
淒涼法窟聞龍泣
漫滅靈源看犢歸
諸佛自來追勝蹟
三關我欲暢元機
頭陀競說荒唐事
問向涪翁是也非

遊幕阜山

邑人姚修經

幕阜峯橫古艾西，峻嶒翠聳碧天齊。
瓊田一草超吳產，澗汨

雙流到楚溪。神禹靈碑蚪蚪燦，

山上有大禹治水至此碑

仙翁石室鼎爐

迷

葛仙翁石室

祇今法窟黃龍著，自掃莓苔覓舊題。

和陳蔚菴叩須渡

扁舟江上載琴書，閒與浮鷗日對居。
兩岸烟花春賭酒，一竿風月夜釣魚。
停橈愛繫陶潛柳，泛宅邀吟魯望廬。
肯把東津稱樂國，桃源莫問武陵漁。

洞山寺

邑人

熊廷幹

貞夫

一天秋色淡松花，獨鶴歸來帶落霞。
石洞草青僧入定，白雲

飛出護袈裟

分甯懷古

州同 胡錫熊 會稽人

溶溶修水出分甯萬壑千峯入眼青
雙井茗茶春自早一池菡萏靜猶馨
此邦人物多翹傑在昔詒留有典型
最是襟懷堪遣處清秋月上冠雲亭

濂溪愛蓮池

池在州判署中

州判 繆象衡 如皋人

曦輪馳駛幾何年靜撫遺編見昔賢
百代啟蒙圖太極一時托物愛池蓮
中通已絕纖毫蔽外直無容尺寸牽
且向修江標淨植何殊溢浦濯清漣
簿書期會非吾事霽月光風別有天
微祿幸聯芳轍後半窗綠草白芊芊

書南厓順濟龍王碑後

邑人 劉顯祖 甯批

我看明月灣頭字瘦硬通神如公詩公詩瑰瑋妙千古公字
薜剝石離披在昔南山師清隱君曾爲作順濟詞大筆剗刻
如錐畫鐫刻不殊龍岡碑潭底龍眠抱砂礫仁聽晨鐘睡初
覺光怪陸離湛水瀆奮髯露爪來相攫一自沙沉鍊畫埋夜
夜紫氣凌星宿公去無人作水檄老蛟雄據螭盤踞龍宮至
寶難久藏一朝浪湧碑浮落元豐距今七百年字字抉石神
工鑿璞隱荆巔價連城劍埋豐獄光盪獄吾儕著作藏名山
檢牒有人司鎖鑰石碑石碑汝何奇磨洗仍壽南山陲南山
不爲碑不移

乾隆辛酉季夏二日風雨大作翼日聞銅鼓營蛟水暴漲
淹溺無算賦長歌紀事

六月初二火雲沸赤日燒天當午未大治煮金金欲流窟室
難將吳牛庇須臾風自西北起縱橫叫號走山鬼白晝沉沉
如昏夜飄飄欻忽無定止樹老如虬根如斗盡付封姨作傲
帚繞地盤旋舞不迭軒然放哨疑虎吼如拳山雨擊虛瓦百
萬金鼓從天下震雷轟轟助其威倒海排山天地啞獨有長
松聲格格怒欲張拳奮髯戟飛濤故故與雷爭大似孤延闕
霹靂生平浪說越潮怒區區溝澮不足數此夕驚濤竟何如
簷瓦飄颻蛺蝶舞日前銅營夜走蛟平地水湧十丈高深閨

夢斷一江寒，倮身漂泊無人撈。母猶抱子，豈乳下娘持女手？
死不捨無貴無賤，委泥沙。淹淹只當魚與鮮，舟車多險陸處
難茫茫。何處覓安瀾？但令寸心少難答，不須劉道平巴山不
見洞庭波。兮君山雨舟子漁人稱樂土，不見劍門之險。千青
雲逋客紛紛走朱輪，我時正入邯鄲道。龍關虎事都不曉，醒
來山妻說怪事。一片離迷夢草，草始信希夷神妙訣。任爾風
濤歸寂滅，仰看明星復在天。銀漢無波光皎潔。

春日道經馬祖湖

肩輿分小步，朗朗出前川。菜老香鋪地，苗新綠滿阡。帘開邨
店酒，雲掃野湖天。馬祖何年到，心心印水田。

杉市司古署二首

一官如小隱庭際落松花
蟻店營荒市蜂房放晚衙
灘危聲到枕暑冷夢還家
秋氣涼生樹黃昏集暮鴉

古署連邨塢漁樵曉市喧
官閒門不啟地遠吏常尊
石破青苔岸沙沉古樹根
一篙秋水裏錦浪逐霞翻

過龍安寨

歲暮苦行役黃昏馬骨寒
冷雲迷磔口宿霧鎖龍安
樹匝旌旗合峯圍劒戟攢
男兒等死耳生氣拍征鞍

宋黃介
殉節處

小路口訪潘使君拙叟逸事

行行小路口駐馬訪先賢
不種河陽樹來培蜀國田
渠功周

四載水利之西川

使君尹成都興水利築堤

石鼓留遺蹟摩挲出紫烟

泰清過江學士覺齋故址

學士何年宅風流滿泰清月從樓際聽花向筆頭生

有聽月樓并詩

閔閔貽吳壤枌榆近楚城蹊山多積雪詩思寄遙情

西平故城

西平尋古蹟疊嶂馬頭青石碣殘邱瘞寒泉九井淨雲屏開
鳳翅水郭列獅形誰化歸來鶴山城半杳冥

石門洞

混沌何年鑿懸空劈洞門泉飛穿石罅樹古夾雲根冷翠侵
衣徑幽崖障日昏重圍森劍戟疑是海雲屯

鄉人扼險築寇處

僻幽無路到石磴
匝苔生蛇蛻蒼藤挂鵲巢
老樹擎洞昏來
嘯魅林密走飛颺
罕地驚人處空山啄木聲

過東嶺

東嶺崎嶇路崇岡
夾道松去天剛一握拔地已千峯
瀑界三

條白硃懸一點紅

頂有水簾懸硃諸勝

邨烟娛目處蟻蛭入雲封

脉灘天柱峯

脉灘誌載巨石一峯壁立千仞
挿漢干雲不可階升土人
猿捷者間一登陟俯瞰魂慄
實爲銅營水口文峯傍有飛
來石夜合山凌庵石室諸勝
俗以麥菓名山晒穀名石猪
頭名峰大爲山靈減色余庚午冬過其地
延伫遠眺筆筆

奇峰其秀拔處有荆關寫不到者因更其名爲天柱峰而
夜合飛來仍其故號偶成一律爲山靈解嘲

一柱擎天入畫圖亭亭壁立鎖烟孤脉灘浪洗巖根瘦岫嶺
雲籠石佛腴峰自幾年渾合壁島從何處化雙鳬分明卓筆
凌魁斗拜丈還須米老呼

和余燕菴南崖韻

何人絕頂溯風流山谷臺荒薜荔幽峭壁蘚侵遺壘隱空潭
雲破古碑浮亭臯倚樹飛颺鼠閣迥招僧話牯牛向夕歸樵
爭晚渡石門烟雨到城頭

欄樹三灣